

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

9
140

T9297.1100 B



海卷第一百七十八

浚儀王應麟伯厚甫

食貨

農官

哈佛大學漢和
圖書館珍藏印

農家者流出於農稷之官播百穀勸耕桑以足衣

食故八政一曰食二曰貨孔子曰所重民食周官

冢宰以九職任萬民其一曰三農生九穀司稼巡

邦野之稼而辨種稂之種周知其名與其所宜地

而懸于邑閭是也及鄙者為之欲使君臣並耕詩

上下之序

少皞九農正

見官名 春秋正義賈逵云春扈分循相五土之宜
趨民耕種夏扈竊元趨民耘苗秋扈竊藍趨民收歛
冬扈竊黃趨民蓋藏棘扈竊舟為果驅鳥行扈喑喑
言為民驅鳥宵扈嘖嘖夜為農驅獸桑扈竊脂為蠶
驅雀老扈鷦鷯趨民收麥今不得晏起爾雅其言亦注
同謂以扈為官還令依此扈而動其宜以教民享其
稷五星在七星南農正也

堯農師 稷官

史周紀棄為兒時其游戲好種殖麻菽及為成人遂

好勸農相地之宜宜五穀者稼穡焉民皆法則之堯
聞之舉為農師天下得其利又見淮南子

帝曰汝后稷播時百穀詩誕后稷之穡有相之

箋后稷堯用之居稷官闕官周語農師一之稷為

大官 漢匈奴傳夏道衰而公劉失其稷官 北史

始均舜命為田祖 晉石苞傳為司徒詔曰陶唐之

世稷官為重其使司徒督察州郡播殖增置掾屬十人

夏農率

月令注夏小正曰農率均田釋文率謂田正疏農率

則田畷也

嘉靖丁巳年 嘉靖丁巳年 嘉靖丁巳年

周農師 農正 農大夫

見官名 **禮里宰注**季冬之月令命農師計耒耕事脩耒耜具田器

周田畯

詩七月三之日于耜四之日舉趾同我婦子饁彼南畝田畯至喜注四之日周四月也民舉足而耕田畯田大夫也甫田曾孫來止田畯至喜箋田畯司耨司耨今之耨夫也成王來止謂出觀農事親與后世子行使知稼穡艱難司耨至又加以酒食 **記**月令孟春王命布農事命田舍東郊注田謂田畯主農之官也

禮記大司農九職一曰三農生九穀二農辨

原 **禮記**大司農辨種稔之種稻人稼下地 **呂氏春**

秋季冬紀命司農計耒耕事修耒耜具田器 **晉志**

詩曰一之日于耜二之日舉趾農官澤虞各有攸次

漢志后稷封豳公劉馭豳大王徙郊文王作鄴武王

治鎬其民有先王遺風好稼穡務本業故**詩**言農

桑衣食之本甚備 **管子**墾田大邑辟土藝粟盡地

力之利臣不若寧遠請置以為大田

漢農官 田官 農都尉 屯田校尉

宣禾都尉

食貨志武帝時水衡少府大農入漢各置農官往往
即郡縣比没入田田之元鼎六年上郡朔方西河
西開田官并塞卒六十萬人戍田之易屯田類
紀初元五年四月詔罷北假田官註漢書五原
今勝州鹽鐵論大夫曰北邊置田官以贍諸用
王褒講德論省田官損諸苑匈奴傳漢遣大將軍
青票騎將軍去病擊匈奴匈奴遠遁幕南無王庭漢
度河自朔方以西至今居住往往通渠置田官吏卒五
六萬人稍蠶食地接匈奴以北百官表司農有郡
國農監長丞農都尉武帝初置續志邊郡置農都尉

主屯田屯戍

馮參傳陽朔中為上河農都尉

河本西叙傳班况為上河農都尉奏課連最地

理志張掖郡營和農都尉治敦煌郡廣至有宜禾都

尉治見屯田西域傳宣帝置都護匈奴益弱不得

近西域於是徙屯田於北胥鞬披莎車之地屯田發

尉始屬都護即渠犂田官元鳳四年遣司馬一人吏

士四十人田伊循其後更置都尉伊循官置始此

後西域傳永平十六年征匈奴取伊吾盧地置宜禾

都尉以屯田遂通西域魏梁習傳建安十六年拜

西部都督從事表置屯田都尉一人領客六百夫於

道次耕種菽粟

菽稷為屯田都尉

宣帝時蔡葵以好農使勸郡國至大官

光武拜蔡

騰酒泉典農都尉

建武八年

田仁護邊田穀於司

上王莽置田禾將軍屯田北邊

漢稻田使者

昭紀元鳳元年冬十月詔安陽侯桀與燕王謀逆故

稻田使者燕倉先發覺

如淳曰為諸稻田置使者

唐六典漢尚書郎四人其一人主戶口墾田記勝之

為侍郎教田三輔是也魏有農部郎曹晉始置屯田

中一人勸課農桑察吏能否

漢藉田令

通典漢文初立藉田置令東京及魏不置晉武泰始

十年十二月復置江左省宋元嘉中又置

漢力田常負

紀惠帝四年正月舉民孝悌力田者復其身高后元

年初置孝悌力田二千石者一人文帝十二年三月

詔置三老孝悌力田常負成帝陽朔四年正月詔曰

先帝劭農薄其租稅罷其強力令與孝弟同科其令

二千石勉勸農桑出入阡陌致勞來之

地理志敦

燧效穀縣注師古曰本魚澤障梁欽說孝武元封六

年崖不意為魚復尉教力田以勤效得穀因名縣
詩箋田畷司畜今之畜夫朱邑 鄭宣 李玄 李
五倫 夏延

漢穀石五錢 唐米斗三錢

宣紀元康四年比年豐穀石五錢趙充國傳金穀

唐食貨志正觀四年米斗四五錢天寶三載是時海

內富實米斗之價錢十三青齊間斗纔三錢魏徵

傳帝即位四年米斗三錢舊紀麟德二年是歲大

稔米斗五錢年麥不列市

漢大有年 唐有年

後漢紀永平九年是歲大有年十二年是歲天下安

平人無徭役歲比登稔百姓富庶粟斛三十牛羊被

野永平二年始迎氣五郊三年春詔有唐紀太宗

正觀二年九月壬子以有年賜酺三日五年八月已

賜群臣羊酒宴樂高宗麟德二年大有年又見祥瑞

魏典農都尉

魏志典農都尉校尉曹公置任峻為典農中郎將

裴潛為魏郡潁川典農中郎將奏通貢舉比之

國鄧艾為典農功曹謝奇為斬春典農屯皖

王昶母丘儉為洛陽典農孟康正始中為弘農領

典農校尉 盧毓為睢陽典農校尉 時苗典農中

郎將 司馬芝傳武帝開屯田之官專以農桑為業

建安中倉廩充實百姓殷足使太祖欲廣置屯田咸熙

元年罷屯田官以均政役都尉為太守 魏志注漢

陶謙表陳登為典農校尉盡鑿溉之利秔稻豐積

晉書太僕統典農都尉 泰始二年罷農官為郡縣

後復有之 何曾及郡典農中郎將 傅玄領典農

校尉

唐營田使 稻田使

高宗時婁師德兼河源軍司馬知營田事天授初為

豐州都督衣皮袴率士屯田積穀數百萬延載元年

春一月為河源積石懷遠軍及河蘭鄯州檢校營田

大使聖曆元年四月辛丑為隴右諸軍大使復領營

田開元五年三月庚戌復置營州都督以姜師度為

營田支度使開元八年六月同州刺史姜師度兼營田長春宮使十月十七日開置朝邑屯

田與宋慶禮築之慶禮開屯田八十餘所慶禮傳以習禮事拜

河東河北十四年七月王峻為關內支度營田使十

五年十二月張志亮為隴右支度營田使李尚隱為

河北營田使二年四月楊執一兼隴右營田使 六

典諸軍萬人已上置營田副使人 列傳崔隱甫

嘉靖丁巳年 監生趙祖易列

玄宗擢兼河東道支度營田使 張延賞大曆中為

諸道營田副使 段秀實為邠寧支度營田副使

潘孟陽元和中兼京北五城營田使王遂為西北供

軍使持營田不可憲宗以韓重華為振武京西營田

和羅水陸運使 孔緯僖宗時兼京畿營田使 張

介然為河隴郡守營田支度等使忠義 賈循遷靜

塞軍營田使忠義 張九齡遷中書令開元二十一年五月始

議河南開水中兼河南稻田使宰相表開元二十一年七月甲申九齡為

河南開稻田使紀二十六年 通監開元十六年

正月宇文融請因九河故道開稻田丙寅充九河使

事不就

唐農圃監

韋雲起傳高祖授司農卿武德初進上開府判農圃

監 見東都苑類

唐田正

會要舊紀 景龍三年八月二日庚寅敕諸州置司田

參軍一員主農事 唐隆元年七月十九日戊辰廢開

元十五年四月十三日朔方五城各置田曹參軍一

員知營田 上元二年九月二十一日壬寅又置并每

縣置田正二人

嘉靖丁巳年 監主趙祖易刊

唐勸農使

通監開元十二年六月壬辰以兵部員外郎宇文融為勸農使循行州縣議定賦役宇文融傳玄宗以融為覆田勸農使擢兵部員外郎融乃奏慕容琦等二十九人為勸農判官分按州縣括正丘畝

太平興國農師

興國七年閏十二月庚戌詔民為邦本食乃民天令諸道州府擇練土地之宜明種植之法者為農師通略

端拱營田使

淳化屯田使

見前

紹興

農官

營田使

端拱二年二月癸亥遣營田使副

詔曰河朔膏腴之地法井賦作方田

至道元年六月丁酉募民耕曠土

紹興元年九月

丙午王寔為淮南東路營田副使上召對使往鎮江

與劉光世同集其事四年五月甲寅詔淮南帥臣兼

營田使知通縣令街內兼帶營田令監司守臣條畫

屯田利便限一月聞奏六年二月庚子江西制置大

使李綱湖南呂頤浩兼營田大使辛丑詔宣撫使劉

光世韓世忠張俊兼營田大使招討岳飛宣副吳玠

兼營田使壬寅安撫使郭浩等兼營田使都督行府

奏改江淮營田為屯田七月壬申置營田司

至道勸農使

至道二年八月辛酉以陳靖為京西勸農使按行陳許襄鄧等州勸民墾田皇甫選何亮副之景德三年二月丙子詔諸路轉運使副知州府少卿監司刺史以上並領勸農使餘知州軍通判並兼勸農事天禧四年正月丙子改諸道提刑為勸農使副使兼提點刑獄凡農田事悉領之各賜農田勅十一月乙卯令以提點刑獄勸農使副為稱天聖四年中書言諸路提轉皆別置勸農司文移煩擾三月甲申詔

罷勸農司而領使如故

錢彥遠傳上疏謂宜置勸農司以知州為長官通判為佐

官慕職州縣官為判官

慶曆四年八月辛卯命參政賈昌朝

領天下農田

初范仲淹援唐故事請以輔臣分領未有施為而事寢

農書

圖

神農田法

詩甫田以御田祖注先嗇也疏神農始造田法典田

大夫以其法教民始教造田謂之田祖先為稼穡謂

之先嗇神其農業謂之神農名殊而實同也郊特

牲注先嗇若神農司嗇若后稷漢食貨志晁錯引

萬曆十六年

三母長行三八

監生張拱宸刊

神農之教曰有石城十仞湯池百步帶甲百萬而亡粟弗能守也

藝文志農家神農二十篇六國時諸

子疾時怠於農業道耕農事託之神農

劉向別錄云疑李悝商君

所雜占有神農教田相土耕種十四卷

孟子有為

神農之言者許行

管子神農作植五穀淇山之陽

九州之民乃知穀食揆度篇神農之數曰一穀不登

減一穀穀之法十倍

淮南子世俗之人多尊古而

賤今故為道者必託之于神農黃帝而後能入說神

農之播穀因苗以為教

文子神農之法 劉子神

農之法曰丈夫丁壯而不耕天下有受其飢者婦人

當年而不織天下有受其寒者

呂氏春秋神農之

教曰士有當年而不耕則天下或受其飢矣

呂氏春

秋有土農任地辨土審時篇

劉孝標世說注引神

農書

藝文類聚文選注汜勝之書亦引神農之教

周南晦圖

禮遂人凡治野夫間有遂遂上有徑十夫有溝溝上

有畛百夫有洫洫上有涂千夫有澮澮上有道萬夫

有川川上有路以達于畿注十夫二隣之田百夫一

鄰之田千夫二鄰之田萬夫四縣之田遂溝洫澮皆

所以通水於川也遂廣深各二尺溝倍之洫倍溝澮

嘉靖丁巳年

廣二尋深二仞徑畛涂道路皆所以通車徒於國都也。徑容牛馬畛容大車。涂容乘車一軌。道容二軌。路容三軌。萬夫者方三十三里。少半里九而方一同。以南晦圖之。則遂從溝橫。洫從澮橫。九澮而川周其外焉。正義案詩今適南晦。又南東其晦。故以南晦圖之。匠人爲溝洫。九夫爲井。井間有溝。十里爲成。成間有洫。百里爲同。同間有澮。注此畿內采地之制。采地異於鄉遂及公邑

漢議賑貸

帝紀文元年三月詔春和議所以賑貸之後六年夏

曲辰書

四月大旱蝗發倉庾以振民。武元狩三年秋遣謁者勸有水災郡種宿麥。舉吏民假貸貧民者以名聞。六年六月詔遣博士大等六人循行天下存問鰥寡無以自振業者貸與之。元鼎二年夏大水九月遣博士中等分循行吏民有振救飢民免其庀者其舉以聞。昭始元二年三月遣使振貸貧民無種食者。八月詔所振貸種食勿收責。元鳳三年正月詔三年以前所振貸勿收責。宣本始四年正月詔歲不登已遣使者振貸困乏丞相以下至都官令丞入穀入長安倉助貸地。節元年三月假郡國貧民田。三年三月詔前下

詔假公田貸種食母令失職十月詔池籩未御幸者
 假與貧民流民還歸者假公田貸種食元初元元年
 三月丙午以三輔公田及苑可省者振業貧民貲不
 滿千錢者賦貸種食六月省苑馬以振困乏二年三
 月詔苑園池籩假與貧民七月詔民有菜色已詔吏
 虛倉廩開府庫振救賜寒者衣永光元年三月詔假
 田貸種食四年二月詔所貸貧民勿收責建昭四年
 四月遣諫議大夫博士賞等二十一人循行存問乏
 困成建始三年三月赦所振貸勿收河平四年正月
 同工三月癸丑朔遣光祿大夫博士嘉等十一人行

農書

舉瀕河之郡水所毀傷困乏不能自存者財振貸鴻
 嘉元年二月詔逋貸未入者勿收四年秋河溢被災
 者振貸之永始二年二月乙酉晦詔所振貸勿收

漢汜勝之書 農書 又見上

藝文志農九家神農二十篇野老十七篇六國時在齊楚間

宰氏十七篇董安國十六篇尹都尉十四篇趙氏五

篇汜勝之十八篇成帝時為議郎劉向別錄云使教田三輔有奸田者師之徙為御史

音敷劔反 王氏六篇蔡癸一篇宣帝時以言便宜至弘農太守九家

百一十四篇農家出於稷官八政一曰食孔子曰所

重民食及鄙者為之欲使君臣並耕諄上下之序

隋志汜勝之書二卷農五部十九卷始於農者播五

穀藝桑麻周官三農生九穀司稼辨種稷之種周知

其名與其所宜地以為灋而縣于邑問唐志尹都

尉書三卷隋志無汜勝之書二卷北史蕭大園云獲菽

尹若之錄別錄云尹都尉書有種蓼篇月令注農書曰土上冒楸陳

根可拔耕者急發正義鄭所引農書先師以為汜勝

之書也國語上乃脉發注農書曰春土冒楸陳根

可拔耕者急發詩大田箋將稼者必先相地之宜

而擇其種季冬命民出五種計耦耕事脩耒耜具田

器此之謂戒至孟春土長冒楸陳根可拔而事之正

義曰出於農書禮草人掌土化之灋以物相地宜

而為之種駢剛赤緹墳壤渴澤鹹濕勃壤埴壚彊藥

輕農注化之使美若汜勝之術也疏漢時農書有數

家汜勝為上故月令注亦引汜勝後漢劉般傳區

鍾增耕注汜勝之書曰上農區田云云文選養生

論注汜勝之田農書曰上農區田王元長策秀才

文杏花菖葉耕穰不愆注汜勝之書曰神農之教無

粟者弗能守也又曰杏始華榮輒耕輕土弱土望杏

花落復耕之輒藺之此謂一耕而五穫初學記汜

勝之書三月榆莢雨藝文類聚汜勝之書雪五穀

之精穀帛天下之命衛尉前上蠶法今上農事人所
忽略衛尉勤之可謂忠國憂民之至杏花如何可耕
白沙 太平御覽汜勝之奏曰昔湯有旱災伊尹爲
區田教民糞種負水澆稼收至畝百石勝之試爲之
收至畝四十石御覽又引汜勝之書曰種桑法桑至
春生一畝食三簿蠶又曰三月榆莢雨時高地強土
可種禾 爾雅釋文汜勝之種殖書無稷

兒寬水令黃霸鄉亭條教召信臣均水約束秦彭稻
田文簿九真牛耕教於任延桂陽蠶織教於茨充仇
覽爲蒲亭長勸生業制科令童恢爲不其令耕織種

收皆有條章王景守廬江訓蠶織作法制著于鄉亭

晉農要

杜預傳拜度支尚書奏立藉田又作人排新器與常
平倉定穀價較鹽運制課調內以利國外以救邊者
五十餘條咸寧四年秋大霖雨上疏多陳農要事在
食貨志志預上疏曰陂多則土薄水淺潦不下潤宜
脩繕陂竭以積水大壞充豫州東界諸陂隨其所歸
而宣導之分種牛三萬五千頭付二州將吏士庶穀
登之後頭責二百斛

賈思勰齊民要術

隋志農家齊民要術十卷賈思勰撰元魏唐志農

家賈思勰十卷李淳風演齊人要術卷七崇文目

農家八部二十四卷始於齊民要術十卷齊民要術

時治生種蒔之賈元道大農孝經一卷開寶中人

中興書目三卷凡種執資生之事畢書後周竇儼

請於齊民要術及四時纂要韋氏月錄中采其關田

蠶園圃之事集為一卷頒下諸州宋朝天禧四年

八月二十六日利州轉運李昉請放行四時纂要齊

民要術二書皆古書陳詔館閣校勘鏤本摹賜又出

繪龍封鷲祈禳秘法令長吏遵行劭農之道備矣國史

曲辰書

志天禧中頒齊民要術于天下教種植蓄養之方

兩朝志農家十二部十

七卷篇

唐兆人本業記 中和節進農書

會要垂拱二年四月七日武后撰百寮新誠兆人本

業記頒賜朝集使正元五年正月十一日以二月一

日為中和節二十八日李泌奏請文武百寮以是日

進農書司農獻種稔之種六年二月戊辰朔舊紀中

和節始令百官進天后所撰兆人本業記舊紀無三

卷呂溫進表云書凡司農獻黍粟種各一斗一作升

傳百官進農書以示務本柳宗元進農書三文宗

卷狀平秩東作虞書立制倣載南畝周雅垂文

萬曆十六年

大和二年二月庚戌以宰臣李絳所進天后刪定兆人本業三卷令刺史舊紀云寫本散鄉閭志農家

類十九家二十六部三百三十五卷始于范子計然

終於武后兆人本業三卷王方慶草木疏以下十一

家六十六卷不著錄

書目兆人本業載農俗四時

種蒔之法凡八十事崇文目三卷

唐均田圖

五代史周世宗嘗夜讀書見唐元稹均田圖歎曰此致治之本也詔頒其圖法使吏民先習知之期以一年歲大均天下之田為木偶耕人陶穀為頌崔頌傳

世宗讀唐元稹均田疏命寫為圖賜近臣遺使均諸

道租賦會要見元稹在同州時所上均田表因製

素為圖賜諸道通監後周顯德五年七月丁亥頒

均田圖于諸道十月丁酉命艾穎等二十四人使諸

州定民租元稹集有同州奏均田云因農務稍暇

令百姓自通手實狀又令里正書手等傍為穩審並

不遣官吏擅到村鄉畧無欺隱除去逃荒其餘頃畝

取兩稅元額通計七縣沃瘠一例作分抽稅

咸平國田圖 祥符豐年圖 淳化咸平

勸農奏議

咸平四年十一月丁亥上御龍圖閣召輔臣觀太宗
 草行飛白篆籀八分書及閱古今名畫移御延和殿
 閱張去華所著元元論國田圖上曰經國之道必先
 養民務穡為先朕嘗異邊鄙稍寧兵革粗息則可以
 力行其事富庶吾民矣張去華所著元元論大旨以
 養民務穡為急真宗嘉之以
縑素寫之為十八軸
 列置龍圖閣之四壁
 祥符四年三月戊子知并州
 劉綜獻豐年圖 陳靖多所建言尤於農事為詳取
 淳化至咸平以來陳利害表章合三十餘通目曰勸
 農奏議錄上之然其說多泥古難盡行國史志陳靖
 勸農奏議錄三
 十篇

景德農田敕

崇文目五卷 景德元年詔三司使丁謂取戶稅條
 目及臣民所陳農田利害編為書謂乃與副使判官
 崔端張若谷樂黃目王曾參議刪定成農田敕五卷
 二年十月庚辰上之一本云三年
 正月七日上令雕印放行民以
 為便三年正月庚戌詔放農田敕于天下二月丙子
 丁謂又言唐宇文融置勸農判官檢戶口田土請諸
 州長吏兼勸農使事轉運使副兼勸農使詔可勸農
 使入銜自此始已丑以農田編敕賜輔臣洎資政大
 學士王欽若一本云二月癸未
 詔部國領勸農事天禧四年正月丙子

萬曆丁亥年

二五年

六

監生梅候祚刑

詔提刑為勸農使副賜農田敕 熙寧二年十一月十三日以農田條約放諸路 紹聖二年七月命詳

定敕令所重編脩農田水利

夏竦上廣農頌 見務農類 錢彥遠上勸農疏 高

錫作勸農論

明道土牛經 明道藉田記 見耕藉類

國史志土牛經四篇景祐元年詔日官取舊文刪定

丁度序頒之 實錄景祐元年十月巳巳頒諸州軍

上牛經前詔日官取舊文刪校重復為四篇知制誥

丁度撰序而印行之其牛色及策人衣並以歲月支

土牛書

干納音相配 寶元初詔諸州旬上雨雪著為令

月令季冬出土牛以送寒氣 鹽鐵論發春而後垂

青幡而策土牛 後漢禮儀志季冬立土牛六頭於

國都郡縣城外丑地以送大寒立春之日百官衣青

衣立青幡施土牛耕人于門外以示兆民 東哲勸

農賦青幡禁游惰

建炎本政書

建炎三年八月辛酉廣州教授林勳獻本政書十三

篇 疆理至地圖今本十五篇十卷 勳以為農貧兵驕宜倣古井田之

制使民一夫占田五十畝其有羨田之家毋得市田

其無田與游惰未作皆驅之使為隸農以耕田之羨者而雜紐錢穀以為什一之稅本朝二稅之數視唐增至七倍今本政之制每十六夫為一井提封百里為三千四百井率稅米五萬一千斛錢萬二千緡每井賦二兵馬一匹率為兵六千四百人馬三千四百匹歲取五之一以為上番之額以給征役無事則又分為四番以直官府給守衛是民凡三十五年而役始一徧也悉上則歲食米萬九千餘斛錢三千六百餘緡無事則減四分之三皆以一同租稅供之匹婦之貢絹三赤綿一兩非蠶鄉則布六尺麻二兩行之

易繫辭神農氏作斲木為耜揉木為耒耨之利以

教天下蓋取諸益益震下巽上震巽二木之象木道乃行釋文耜耒下

耜也廣五寸耒耜上句木也疏明神農取卦造器之

義大庭氏教民耕農謂之神農獲天雨粟之瑞周禮匠人耜廣五寸二耜

為耦一耦之伐廣尺深尺謂之畎注古者耜一金兩

人併發之今之耜岐頭兩金象古之耦也車人為

耒庇音刺長尺有一寸中直者三尺有三寸上句者二

尺有二寸耒謂耕耒庇謂刺下自其庇緣其外以至於首以

弦其內六尺有六寸與步相中也堅地欲直庇柔地

欲句一庇直庇則利推句庇則利發倨句磬折謂之中

周語農修其疆畔，日服其耨。詩大田箋：將稼者必先相地宜而擇其種，季冬命民出五種計耦耕事。修耒耜具田器。至孟春土長，冒墾陳根可拔而事之。論語：長沮桀溺耦而耕，注：耜廣五寸，二耜為耦。

漢田器

又見代田

列傳：晁錯言勸農力本曰為室廬具田器。趙充國上田處及器用簿。龔遂至渤海，救屬縣持鉏鉤田器者皆為良民。後傳：杜詩建武七年遷南陽太守，造作水排鑄為農器，力少功多，百姓便之。任延建武初守九真，俗不知牛耕，乃令鑄作田器教之墾闢。

田器

田疇歲廣，百姓充給。章紀：元和元年二月甲戌詔

郡國募人欲徙他界者，恣聽之。到在所，給公田為產。

耕傭賃種，餉貫與田器，勿收租。武帝元鼎元年詔：江南之地，火耕水耨。

唐耦耕法 農器

王方翼傳：為夏州都督，屬牛疫，民廢田作。方翼為耦耕法，張機鍵，力省而見功多，百姓順賴。百官志：諸冶監令鑄兵農之器，給軍士屯田。

舊紀：大和二年閏三月景戌朔，內出水車樣，令京兆造給鄭白渠溉田。

唐藉田耒耜

官志司農卿藉田則進耒耜乾元二年詔夫耒耜彫刻命有司改造之

淳化踏犁式 景德踏犁式

實錄淳化五年三月癸亥內出踏犁數千分給宋亳人戶先是太子中允武允成獻踏犁一具不用牛以人力運之至是上以宋亳間牛多死求得此制令尚方工官造成數千具先遣直史館陳堯叟齎於宋州大起冶鑄以給與貧民先是借民錢於江淮間市牛未至上以時雨沾足恐耕墾失時也參政蘇易簡曰昔長沮桀溺耦而耕此其遺象也按耦耕以雙耜並耕耳非踏犁之制也一本以陳頴宋亳民無牛者多

進農器

一挽犁而耕二月乙卯令直史館陳堯叟齎踏犁數千具往宋州委本處鑄造以賜民戶先是武允成嘗制猶存命景德二年正月戊寅內出踏犁式付河北鑄造賜馬轉運使令詢訪民間可用則官造給之河朔戎寇之後耕具頗闕淮楚間民用踏犁凡四五人力可比牛一具自尚方造樣二月甲午以河朔民乏農器除鐵渡河之禁建炎二年三月二十六日有司言諸道闕耕牛請下轉運訪求舊制詔可

太宗嘗貸陳蔡民錢使市牛而耕真宗用耿望之言置牛湖南而治屯田

雍熙藉田耒耜

見耕藉類

大中祥符農器圖

二年六月庚子河東轉運杜夢證上子詹所撰農器圖詔褒之六年七月詔農器免稅從知濱州呂夷簡之言也

天聖二年九月辛卯祠太一宮駐輦賜道左耕者茶帛九年九月癸亥祠西太一宮賜耕者茶帛

玉海卷第一百七十八

農器

玉海卷第一百七十九

浚儀王應麟伯厚甫

食貨

貢賦

賦出於田自上稅下貢出於土從下獻上

堯制賦

詩甫田正義禹貢云五百里甸服云云注云甸服者

堯制賦其田使入穀禹弼其外百里者賦入總謂入

刈禾也二百里銍斷去葉也三百里秸又去穎也四

百里入粟五百里入米者遠彌輕也甸服之制本自

納總禹為之差使百里者從之耳。六韜帝堯王天下其自奉甚薄其賦役甚寡。

禹九州貢法 九州賦法 田賦見郡國

夏貢

書禹別九州任土作貢注禹制九州貢法此堯時事

功冀州既載注堯所都也先施貢賦役載於書疏此

差於厥賦惟上上錯疏上上第一也交錯間雜之

河惟兗州厥貢漆絲厥篚織又注地宜漆林又宜蠶

絲中琴瑟之絃織貝織如貝文漢世陳海岱惟青州留襄邑縣置服官是兗州綾錦美也

厥貢鹽絺海物惟錯岱畎絲枲鈔松怪石厥篚檿絲

貢賦

海岱及淮惟徐州厥貢惟上五色羽畎夏翟嶧陽孤

桐泗濱浮磬淮夷蠙珠暨魚厥篚玄織縞淮海惟揚

州厥貢惟金三品注金銀銅也璫琨篠簜齒革羽毛惟木

厥篚織貝厥包橘柚錫貢注錫命乃不常荆及衡陽惟荆

州厥貢羽毛齒革惟金三品柶榘栝栢礪砥砮丹三

邦底貢厥名惟篚篚楛包匭菁茅注齊貢楚厥篚玄

纁璣組九江納錫大龜注龜不常用荆河惟豫州厥

貢漆枲絺紵厥篚織纊錫貢磬錯華陽黑水惟梁州

厥貢璆鐵銀鏤砮磬熊羆狐狸織皮兕象兕西河惟雍州

厥貢惟球琳琅玕注梁雍有貢無篚以其地不宜也

萬曆丁亥年 監生梅映祚刊

錯上中梁下中三錯惟出正賦底慎財賦咸則三壤而無雜賦者五州交青徐荆雍

成賦中邦注上中下田也準則其田以定中國之賦

邦而五百里甸服百里賦納總禾二百里納銍禾三

百里納秸服藁四百里粟五百里米注自總至米皆

而遠情近者易致遠者難致故也畿內不封建故田賦入天子甫田箋上古稅法近者納總遠者納粟米

正義其稅皆當什一但所納有精麤遠輕而近重正義曰貢賦之法其來久

矣治水之後更復改新非禹始為貢也此所貢與周

禮太宰九貢不殊其賦與周禮九賦全異不言作賦

而言作貢取下供上之義或曰貢者夏后氏田賦之摠名又曰賦謂

稅穀以供天子因九州差為九等稅俱什一而為九

貢賦

等者人功有強弱收穫有多少傳以荊州田第八賦

第三為人功脩雍州田第一賦第六為人功少鄭元

云貢者百工之府受而藏之其實於筐者入於女功

故以貢篚別之筐之所盛皆供衣服之凡貢者以所

出之穀市其土地所生異物獻其所有謂之厥貢亦

有不用賦物直貢地所產有採取以為貢者又曰五服

堯之舊制洪水平之後禹為節文使賦役有常甸服

去京師最近賦尤多每於百里即為一節侯服稍

遠近者伊役二百里內各為一節三百里外共為一

節綏要荒三服去京師益遠每服分為二丙三百里為

一節外二百里為一節。每服入穀，故首言賦稅侯服。以外貢不入穀。孟子夏后氏五十而貢，殷人七十而助。周人百畝而徹，其實皆什一也。徹，徹也。助，籍也。

注：民耕五十畝，貢上五畝，耕七十畝，助公家百畝，徹取十畝為賦。詩正義史傳說助貢之法，唯孟子為明。王制：龍子曰：治地莫善於助，莫不善於公田。注引孟子。

貢貢者，校數歲之中以為常。禹九州之賦，雖曰較數歲之中，以為常，然歲有豐凶，又使之錯出，他等之賦，則四年必無取盈之理。孟子所謂不善者，特救戰國之失耳。禹法定是，不然也。

史記自虞夏時貢賦備矣。詩正義禹貢九州之賦法，凡有九等。漢食貨志禹定九州制土田，各因所生，遠近賦入貢。柴、林、遷、有、無、萬國作乂。隋食貨

貢賦

志禹制九等而康歌興。通典禹任土作貢，分田定

稅十一而賦萬國以康。呂氏曰：九州之貢皆服食

器用之物，所謂惟正之供。林氏曰：八州之貢，充雍

至寡，荆揚至多，然各因地所宜，雖有多寡而無輕重。

左傳夏貢金九牧。尚書旋璣鈴禹治九貢。

殷周軍賦

見兵制。左傳韓賦七邑，皆成縣也。成縣賦百乘，魯

賦八百乘，邾賦六百乘，天子之老請帥王賦，鄭脩車

賦，徹師徒悉索，敝賦。公羊注：十井為一乘，公侯封

方百里，凡千乘，伯四百九十乘，子男二百五十乘。

論語由也千乘之國可使治其賦也注孔曰兵賦

三禮義宗兵賦義曰鄭注周禮軍旅之數云此先王

因農事而定軍令也天子六鄉六遂故有十二軍諸

侯三鄉三遂故有六軍次國二鄉二遂故有四軍小

國一鄉一遂故有二軍鄉為正軍遂為副倅故云天

子六軍諸侯大者三軍次二軍小一軍皆據正軍而

言不數副倅周禮疏趙商問校人職云云答曰司

馬法甸有戎馬四匹長轂一乘此為民出軍賦無與

於天子國馬之數卿大夫之采地王不特置司馬各

自使其家臣為司馬主其地之軍賦夏官疏禮雜問

真賦

志云稍縣都鄙地有公邑之民口率出泉於王也邦

國都無口率之賦唯有軍賦革車匹馬士徒而已凡

出軍之法先六鄉賦不止次出六遂賦猶不止召兵

於公邑及三等采賦猶不止乃召兵於諸侯大國三

軍次國二軍小國一軍此軍等皆出於鄉遂賦猶不

止則諸侯有遍境出之法則千乘之賦是也小司徒

地之所出唯貢而已口率出錢及軍法乃名賦鄭并

言賦者以民有地貢即有錢賦及軍賦故兼言賦且

禹貢地貢亦名賦載師疏春秋正義案周禮有夫

征家征夫征謂出稅家征謂出車徒給徭役

嘉靖丁巳年 五 監生趙祖易刊

小司寇大比登民數登于天府內史司會冢宰貳之以制國用注人數定而九賦可知國用乃可制

史通夏書則編於禹貢周書則託於王會亦有圖形九州之鼎列狀四荒之經

周畿內貢法 邦國助法規田 殷助規

孟子請野九一而助國中什一使自賦詳見後耕者

助而不稅使出力助耕公用而不稅其私田 春秋初稅畝胡氏曰

譏宣公廢助法而用稅也 王制古者公田藉而不

稅注孟子曰殷人七十而助古者謂殷時 甫田正

義禾庾當在畿內若畿外則禾取美物以當邦賦不

貢賦

入穀畿內雖有貢法亦校其歲以為率掌客留薪倍禾明周法有禾稼之稅 說文商人七十而耒藉稅也周禮興耒

古者上下相親上之於下則曰駿發爾私終三十里惟恐民食之不給下之於上則曰雨我公田遂及我私惟恐公田之不善故助法行而頌聲作矣

周九貢 九賦 九職 九均 九稅

九比 九正 賦貢 九畝 經入

禮天官大宰八則五曰賦貢以馭其用注貢九職之功所稅 千

寶云賦上所以所以納上以求以九職任萬民曰三農生九穀園

萬曆丁亥年 監生海虞作刊

圃毓草木虞衡作山澤之材藪牧養蕃鳥獸百工飭
 化八材商賈阜通貨賄嬪婦化治絲枲臣妾聚斂疏
 材間民無常職轉移執事以九賦斂財賄注財泉穀
 口率出泉今之義泉民一邦中在城二四郊去國三
 或謂之賦此其舊名郭邦甸二百里四家稍三百里五邦縣四百里六邦都五百里
 七關市八山澤九幣餘皆未作九賦斂於大宰貳於
 掌其入司會總其會計司書叙其財弊以九貢致邦
 職內辨其物職歲攷其數職幣斂其餘以九貢致邦
 國之用禹貢可見一祀貢司農云犧牲包茅二嬪貢
 皮帛類元曰絲三器貢宗廟之器元謂銀鐵四幣貢
 綉帛元謂玉馬皮五材貢木材謂柁榑栝栢六貨貢
 帛即織縞織皮

貢賦

珠貝自然之物元謂金七服貢祭服元謂
 貢羽毛八成聽政役以比居注政九賦九
 邦用小宰掌執邦之九貢九式之貳以均財節
 功之貳以受其貨賄之入九功也謂關市之賦以待王
 之膳照邦中之賦以待賓客四郊之賦以待稍稷家
 削之賦以待匪頒邦甸之賦以待工事邦縣之賦以
 待幣帛邦都之賦以待祭祀山澤之賦以待喪紀幣
 餘之賦以待賜予凡邦國之貢以待弔用凡萬民之
 貢以充府庫式貢之餘財以充玩好之用內府掌

受九貢九賦九功之貨賄疏地之所出惟

賦之法疏地之所出惟司會以九貢之法致邦國之財用疏地之所出惟

以九式之法均節邦之財用疏地之所出惟司書掌邦之九職九

正九事疏地之所出惟職內掌邦之賦入辨其財用之物而熟其

受法疏地之所出惟典絲掌絲入而辨其物疏地之所出惟

天司徒以土舍之法辨五地之物生以上宜之法疏地之所出惟

土之名物以土均之法辨五物九等制天下疏地之所出惟

以作民職職民九以令地貢斂財賦賦謂九賦乃分九

職所宜制地貢所稅頒職事以為地澧而待政令領

職事十有二于邦國都鄙使以登萬民登之一曰稼

穡二曰種藝三曰作材四曰阜蕃五曰飭材六曰通

財七曰化材八曰斂材九曰生材十曰學藝十有一

曰世事十有二曰服事入曰斂材已上與太宰同大

生材已下四事是民之事業學問鄭司農云自稼

小司徒稽國中及四郊都鄙之夫家九比之數注九

宰職出九閭師以時征其賦注九賦凡任民任農

以耕事貢九穀任之以貢太任圃以種事貢草木任

萬曆十六年

生材已下四事是民之事業學問鄭司農云自稼

宰職出九閭師以時征其賦注九賦凡任民任農

以耕事貢九穀任之以貢太任圃以種事貢草木任

萬曆十六年

生材已下四事是民之事業學問鄭司農云自稼

宰職出九閭師以時征其賦注九賦凡任民任農

工以飭材事貢器物任商以市事貢貨賄任牧以蓄
事貢鳥獸任嬪以女事貢布帛任衡以山事貢其物
任虞以澤事貢其物九職以虞衡為一此以為二唯
有八者但九職有臣妾及間民

於此不凡無職者即開出夫布獨言無職者
掌其九賦載師

任地見上縣師以歲時令野之賦貢句稍縣都疏
郊內賦貢問

師征斂郊外賦貢縣師
征之遠師旅師斂之均人均地政注地征謂地
守地職之稅

凶札無力政財賦九賦遂人以土均平政頒職作

事令貢賦遂師入野職野賦于玉府里宰斂其

財賦委人斂野之賦土均均地貢諸侯之
九貢角

人羽人掌葛斂于山澤之農掌邦賦之政令司稼

以年上下出欽法春官太宗伯大均之禮恤衆注均

地政地夏官大司馬施貢分職以任邦國注職謂
賦稅

以九畿之籍施邦國之政職凡令賦以地與民制之

司勳惟加田無國正注正稅也祿田亦有給公家
之賦貢若今時侯國有司農

少府職方氏制其貢各以其所有懷方氏致方

貢致遠物達之以節注遠物九州之外無貢法
而至者達貢物以璽節秋

官大行人邦畿方千里其外方五百里謂之侯服歲

一見其貢祀物甸服二歲一見其貢嬪物男服三歲

一見其貢噐物采服四歲一見其貢服物衛服五歲

一見其貢財物要服六歲一見其貢貨物小行人

嘉靖丁巳年 監生趙祖易刊

春入貢。注六服所貢。易氏曰：因朝而貢，則行人之

又有所謂令諸侯。春入貢，其九貢也。歲之常貢，則大宰之九貢也。小行人

好以諭九稅之利。注九稅所稅民九職正義。唯臣妾聚斂疏材者無稅。左傳

昭十三年子產曰：天子班貢，輕重以列，列尊貢重。周

之制也。卑而貢重者，甸服也。注謂天子畿內共職貢

貢于國語周史伯曰：王者居九畎之田，收經入以

食兆民。注九畎九州之極數也。楚語曰：天子之田

均。漢婁敬傳敬曰：周公營維以四方諸侯納貢，職道里

均。晉志：一夫之土，十畝之宅，三日之徭，九均之賦。楊子七賦之所養，注五穀桑麻。

易氏曰：九賦與九職不同。鄭氏皆以為民賦，且援漢

口率出泉之制。王制不明，不容不辨。邦中之賦，即載

師廩里場圃，蓋王城內外之地。四郊之賦，即載師宅

田士田賈田官田牛田賞田牧田，蓋六鄉百里之內

而外距六遂之地也。邦甸即公邑之田，任甸地，蓋距

國中二百里。六遂之餘地，天子使吏治之也。家削即

家邑之田，任稍地，蓋距國中三百里。夾夫所食之采

地也。邦縣即小都之田，任縣地，蓋距國中四百里。鄉

及王子弟之疏者所食之采地也。邦都即大都之田

任疆地，蓋距國中五百里。公及王子弟之親者所食

之來地也。關市若與九職商賈同。此則如司市所言。市之征。司關所言。關門之征也。山澤若與九職虞衡。同。此則如升人取金錫玉石角人取齒角之類也。幣餘如職幣所言。歛官府都鄙用邦財者之幣。振掌事者之餘財也。前六者皆任地之賦。以其田賦之十一者取於民。又於一分之中復以十一十二二十而三輸之於王。後三者雖非任地。然有司所掌利歸公上。故亦謂之賦。而繼於任地之後。太府一職既有九賦之式。又別有邦國及萬民之貢。則九賦非任民之賦可知矣。

周籍田法 周徹 井地大畧

國魯語季康子欲以田賦訪諸仲尼。仲尼曰。先王制

土籍田以力而砥其遠邇。注籍田謂稅也。以力謂三十畝六十畝。賦里以入而量其有無。里廛也。計財業以

還田也。賦里以入而量其有無。里廛也。計財業以

所任力以夫而議其老幼。力謂徭役以夫家為數也。於是乎有鰥

寡孤疾。有軍旅之出則征之。無則已。其歲收田一井。

出稷禾秉芻缶米不是過也。先王以為足。君子季孫

欲其法則有周公之籍矣。籍田之法周公所制也。左傳哀十

一年仲尼曰。欲行而法則周公之典在。論語學而

篇道千乘之國。注馬曰。司馬法六尺為步步百為畝。

畝百為夫。夫三為屋。屋三為井。井十為通通。十為成。成出革車一乘。千乘之賦。其地千成。居地方三百一十六里有畸。唯公侯之封。乃能容之。包曰。古者井田。方里為井。十井為乘。百里之國。適千乘也。融依周禮。包依王制。孟子。顏淵篇。有若曰。盍徹乎。鄭注。周法。什一而稅。謂之徹。天下之通法。詩。公劉。廣其濕原。徹田為糧。箋云。什一而稅。謂之徹。崧高。徹申伯土田。箋云。正井牧定賦稅。正義。孟子言周曰。徹。徹乃周之稅法。公劉夏時諸侯。而言徹者。召公以周之世上論公劉。以其俱是什一。其名可以相通。孟子滕文

田賦

公問為國。孟子曰。周人百畝而徹。徹者。樂也。詩云。雨我公田。遂及我私。惟助為有公田。雖周亦助也。使畢戰問井地。古耕田。孟子曰。仁政必自經界始。經界不正。井地不鈞。穀祿不平。經界既正。分田制祿。可坐而定也。請野九一而助。國中什一使自賦。鄉以下必有圭田。圭田五十畝。餘夫二十五畝。方里而井。井九百畝。其中為公田八家。皆私百畝。同養公田。此其大略也。注九一者。井田以九頃為數。而供什一郊野之賦也。助。祭家稅名。周亦用之。龍子所謂莫善於助也。時諸侯不行助法。國中什一者。周禮園廩二十而稅一。

田賦

五經卷百七九

上

特行重賦責之什一也。孟子欲使野人如助法行一而稅之國中，從其本賦二十而稅一，以寬之。集注曰：野郊外部鄙之地也。九一而助為公田而行助法也。國中郊門之內鄉遂之地也。田不井授，但為溝洫使什而自賦其一，蓋用貢法也。周之所謂徹法者，蓋如此。世祿嘗制之外，又有圭田以厚君子，百畝常制之外，又有餘夫之田以厚野人，公田以為君子之祿，而私田野人之所受。先公後私，以別君子野人之分。上古野及國中二法，此獨詳於治野者。國中貢法當世行，但取之過於什一爾。井地之法，諸侯皆去其籍。

周禮稅法

此特其大畧而已。徹通也。均也。周制一夫受田百畝，而與同溝共井之人通力合作，計畝均收，大率民得其九，公取其一，故謂之徹。

載師注：周稅輕近而重遠，近者多役也。疏異義第五。田稅今春秋公羊說十一而稅，周禮國中園廩之賦二十而稅一，近郊十而稅一，遠郊二十而稅三。有國旅之歲一井九夫百畝之賦，出禾二百四十斛，芻秉二百四十六釜，米十六斗。案公羊十一稅，遠近無差。漢制收租田有上中下，與周禮同義。鄭元之聞也。周

禮制税法輕近而重遠者近者勞遠者逸故也漢無
授田之法與周禮同義未之思也又周禮無云出禾
芻秉釜米之事周禮税法據王畿公羊税法據諸侯
邦國諸侯邦國無遠近之差者以其國地狹少役賦
事暇左傳注宣十年周法民耕百畝公田十畝借民
力而治之稅不過此三禮義宗周禮天子畿內稅
民之法有二一曰貢二曰賦貢謂有職任而收其稅
賦者計其可任而口率其錢諸侯貢稅雖俱什一而
郊內郊外收籍不同甫田正義食貨志云井方一
里是九夫八家共之各受私田百畝公田十畝是為

貢賦

八百八十畝餘二十畝為廬舍其言取孟子為說而
失其本旨班固既有此言由是群儒遂謬何休之注
公羊范甯之解穀梁趙岐之注孟子宋均之說樂緯
咸以為然皆義異於鄭理不可通何則言井九百畝
其中為公田則中央百畝共為公田不得家取十畝
也八家皆私百畝則百畝皆屬公矣何得復以二十
畝為廬舍也言同養公田是八家共理公事何得家
分十畝自治之也為廬舍則家別二畝半亦入私矣
則家別私有百二畝半何得為八家皆私百畝也此
皆諸儒之謬鄭於匠人注云野九夫而稅一此箋云

井稅一夫其田百畝歲取為稅斂之言十千即期限之數參之於司馬之書校之於一成之稅其數正允

箋云歲取十千於井田之法則一成之數也通十為成成方十里成稅百夫其田萬畝

魯稅畝 田賦

春秋宣公十五年秋初稅畝

杜氏注公田之法十取其一今又履其餘畝復

十收其一故哀公曰二吾猶不足遂以為常故曰初

左氏傳初稅畝非禮也

穀出不過藉以豐財也

注周法民耕百畝公田十畝借民力而治之稅不過此

穀梁古者什一藉而不稅非公之去公田而履畝十

取一也

注私得其什官稅其一故曰什一

公羊譏始履畝而稅也古

者什一而藉什一者天下之中正什一行而頌聲作

貢賦

矣 哀公十二年春用田賦左傳注別其田及家財

各為一賦公羊注田賦若今漢家斂民錢以田為率

禮稅民公田不過什一軍賦十井不過一乘胡氏傳

田以出粟為主而足食賦以出軍為主而足兵今用

田賦軍旅之征非矣

家語季氏以一井田出賦法畝本藉而為稅井本稅而為賦

兵本賦而為甲皆自四而增

左氏傳昭公四年九月鄭子產作

兵賦注丘十六井當出馬一匹牛三頭今子產則賦

其田如魯之田賦

服虔以為子產作丘賦賦此一丘之田使之出一馬三牛復古法耳

哀二年初周人與范氏田公孫危稅馬十一年夏

陳轅頗為司徒賦封田

注封內之田悉賦稅之

王制千里之內曰甸千里之外曰采注甸謂服治田出穀稅曰采九州之地內取其美物以當穀稅也又疏曰鄭答臨碩云王畿方千里者凡九百萬夫之地三分去一定受田者三百萬夫出都家之田以其餘地之稅祿無田者

管子威公踐位十九年弛關市之征五十而取一賦祿以粟案田而稅二歲而稅一上年什取三中年什取二下年什取一歲飢不稅歲飢施而稅

史記年表秦孝公十四年初為賦 秦有口賦

漢筭賦

貢賦

紀高帝四年八月初為筭賦注如淳口漢儀注民年賦錢人百二十為一筭治庫兵車馬二年

年冬十月令女子年十五以上至三十不稼五筭應劭曰漢律人出一筭筭百二十錢唯賈人與奴婢倍筭今使五筭罪謫之也

孝文偃武行文民賦四十丁男三年一事注如淳曰常賦歲百

一子不事八十者二筭不事景紀二年冬十二月

令天下男子年二十始傅注舊法後二年五月詔今

些筭十以上迺得官朕甚愍之注服虔曰些言萬錢筭十等十萬也賈人有則不得為吏些言萬錢筭庶士無些言不得官故減些言四筭些言筭四得官武

嘉靖丁巳年

五每卷二百二十九

十六

監生趙祖易刊

紀建元元年春二月赦天下年八十復二筭九十復

甲卒注張晏曰二筭復二口之筭復甲卒不豫革車之賦鹽鐵論御史曰今

陛下寬力役之政二十三始賦五十六而免賈捐

之傳孝武時民賦數百宣紀地節三年十月詔流

民還歸者且勿筭事注師古曰不出筭賦及終徭役甘露二年正月詔

減民筭二十錢三十成紀建始二年正月辛巳詔減

天下賦錢筭四十注孟康曰本筭百二十周禮注寬

疾若今癘不可事不筭卒可事者半之也大司徒注

老者謂若今八十九十復羨卒也卿大夫注賦口率

出泉也今之筭泉民或謂之賦此其舊名與關市山

貢賦

澤謂占會百物幣餘謂占賣國中斥幣皆末作當增

賦者若今賈人倍筭矣大宰注晁錯傳秦之發卒

也死事之後不得一筭之復食貨志錯論貴粟曰

令民有車騎馬一匹者復卒三人如淳曰復三卒之

夫不作甲卒也師古曰當為卒者免其三人不為卒者復其錢車騎天下武備故為

復卒西域傳征和中詔曰前有司奏欲益民賦口

三十助邊用師古曰每口轉增三十錢也是重困老弱孤獨也當

今務在禁苛暴止擅賦文選王元長策秀才文充

都內之金注巨子新論曰漢宣已來百姓賦錢一歲

餘二十萬藏於都內

紀武帝元光六年冬初筭商車元狩四年冬初筭緡

錢千錢出筭二十元封元年登封詔四縣無出今年筭自博

至梁父昭帝元鳳二年六月令三輔太常郡得以

菽粟當賦後紀章帝元和元年二月甲戌募人耕

公田與田器勿收租五歲除筭三年二年正月乙酉

詔曰令云人有產子復勿筭三歲今復其夫勿筭一

歲高帝七年春民產子復勿事五歲光後漢書

論漢法常以八月筭民武建武中民有產子者復以三年之筭漢儀注曰八月初為筭賦

漢田租 帝紀高帝元年四月留蕭何收巴蜀租給軍糧食一

年二月癸未蜀漢民給軍事勞苦復勿租稅二歲復

除其賦也十一年冬諸縣堅守者復租三歲惠帝高

十二年即位五月丙寅減田租復十五稅鄧展曰

十五稅一文帝二年九月詔賜天下民今年田

租之半三年復晉陽中都民三歲租十二年三月詔

賜農民今年租稅之半十三年六月詔曰農墮身從

事而有租稅之賦本末無以異其除田之租稅李奇

農墮賈俱出租景帝元年五月令田半租武帝

元封元年除四縣民田租四年賜汾陰等三縣無出

今年租賦五年四月赦天下所幸縣無出今年租賦

嘉靖丁巳年 監生趙祖易刊

昭帝始元二年詔毋令民出今歲田租。宣帝本始五年五月鳳皇集赦天下租稅勿收四年四月壬寅地震勿收租賦大赦神爵元年詔所過無出今年田租甘露三年二月詔毋出今年租。元帝初元元年夏四月詔曰關東今年穀不登毋出田租。成帝建始元年十二月郡國被災什四以上毋收田租。食貨志高祖約法省禁輕田租十五而稅一量吏祿度官用以賦於民文帝時晁錯說上口使天下人入粟於邊以受爵免罪邊食足支五歲可令入粟郡縣足支一歲以上可時赦勿收農民租上從其言迺下

貢賦

詔賜民十二年租稅之半明年遂除田之租稅後十三年孝景二年令民半出田租三十而稅一武帝時董仲舒說曰秦除井田田租口賦鹽鐵之利二十倍於古或耕豪民之田見稅什五漢興循而未改宜限民名田。溝洫志元鼎六年上曰今內史稻田租挈重不與郡同其議減注租挈收田租之約令也。列

傳貢禹上書以為令農夫已奉穀租又出橐稅鄉部私求不可勝供宜除其租銖之律。師古曰租稅之法皆依田畝不得雜

計百物之銖兩兒寬為左內史以負租課殿當免民輸租

緡屬課吏以最。何武弟顯家有市籍租常不入縣

萬曆丁亥年

三海卷百七十九

十七

監生梅候祚刊

數負其課。後紀光武建武六年十二月癸巳詔曰。頃者師旅未解。用度不足。故行什一之稅。今軍士屯田。糧儲差積。其令郡國以見田租三十稅一。如舊制。二十二年。令南陽勿收今年田租。中元元年四月己卯。改元。勿出今年田租。二年九月。赦隴西。勿收今年租調。明帝永平五年十月。常山三老言於帝曰。上生於元氏。願蒙優復。其復元氏田租。更賦六歲。章帝元和二年二月丙子。復博奉高。無出今年田租。安帝初元年十月乙卯。詔除三輔三歲田租。更賦口

貢賦

筭。順帝永建元年十月甲辰。令人半輸今年田租。永平四年六年九年十二年十四年十六年。元初元年。延光元年三年。永建元年三年六年。永和三年。延熹八年。已上並勿收田租。芻橐。禮司掾以年之上下出歛。灋注若今十傷二三。實除減半。史記年表。秦簡公七年初稅禾。秦作阿房。收大半之賦。

漢獻賦

帝紀高帝十一年二月。詔曰。欲省賦甚。今獻未有程。吏或多賦。以為獻。而諸侯王尤多。民疾之。令諸侯王通侯常以十月朝獻。及郡各以其口數率。人歲六十

萬曆丁亥年

三母卷一百七十九

下

監生趙繼文

三錢以給獻費 文帝元年六月令郡國無來獻施
惠天下諸侯四夷遠近歡洽後六年夏四月令諸侯
無入貢 景帝後二年四月詔不受獻減大官省繇
賦 後紀安帝永初五年二月丁卯詔省減郡國貢
獻 順帝永建四年五月桂陽獻大珠封以還之

隋志漢之常科土貢方物

漢軍賦 即筭賦

惠紀高二十年五月丙寅即位令吏六百石以上及
故吏嘗佩將軍都尉印將兵及佩二千石官印者家
唯給軍賦他無有所與 食貨志殷周之盛云云有

貢賦

賦有稅稅謂公田什一及工商衡虞之入賦共車馬
兵甲士徒之役 秦頭會筭歛以供軍費

漢口賦

帝紀昭帝元鳳二年六月詔曰朕閔百姓未贍頗省
乘輿馬及苑馬以補邊三輔傳馬其令郡國毋歛今
年馬口錢 租及六畜 三輔太常郡得以菽粟當賦四年春
正月丁亥帝加元服母收四年五年口賦儀注民年

儀注民年七歲至十四出口者武帝加口錢元元
十三二十錢以食天子三錢以補車騎馬

年春二月詔減口賦錢有司奏請減什三上許之
宣帝五鳳三年三月詔減天下口錢 貢禹傳禹以

萬曆丁亥年 監生趙述文刊

王治卷五十一
四百〇二
同文
為古民無賦筭口錢起武帝征伐四夷重賦於民產
子三歲則出口錢故民重困至於生子輒殺甚可悲
痛宜令兒七歲去齒乃出口錢年二十乃筭天子下
其議令民產子七歲乃出口錢自此始
後紀光武
建武二十二年九月詔曰其口賦逋稅勿收責
明
帝永平九年春三月辛丑詔郡國死罪囚減罪與妻
子詣五原朔方又復其口筭
安帝永初四年正月
辛卯詔三輔人庶流冗除三年逋租過更口筭芻橐
元初元年十月乙卯詔除三輔三歲田租更賦口筭
六年四月會稽除田租口賦建光元年十一月地震

賦
被灾甚者勿收口賦
順帝永建三年正月乙未詔
勿收漢陽田租口賦陽嘉元年三月稟冀州貧民勿
收更租口賦永和三年春地震除今年田租尤甚者
勿收口賦
食貨志董仲舒曰秦田租口賦鹽鐵之
利二十倍於古
鹽鐵論文學曰今田雖三十而頃
畝出稅加以口賦更繇之役率一人之作中分其功
農夫悉其所得或假貸而益之

漢更賦 繇賦

帝紀文帝二年十一月詔省繇費以便民
景帝後
二年四月詔省繇賦
昭帝元鳳四年正月丁亥帝

加元服。三年以前逋更賦未入者皆勿收。注如淳曰。更有三品。有卒更有踐更有過更古者正卒無常人皆當迭為之一月一更是謂卒更也。貧者欲得顧更錢次直者出錢顧之。月二千是謂踐更也。天下人皆直戍邊三日。亦名為更律所謂繇戍也。雖丞相子亦在戍邊之調。不可人人自行三日戍。又行者當自戍三日。不可往便還。因便住一歲一更。諸不行者出錢三百入官。官以給戍者。是為過更也。律說卒踐更者居也。居更縣中。五月乃更也。後從尉律卒踐更一月休十一月也。食貨志曰。董仲舒云。月為更卒。已復為正一

歲屯戍一歲方役三十倍於古。此漢初因秦法而行

之也。董仲舒曰。漢興循而未改。謂一十歲後應為

衛士材後遂改易。有謫乃戍邊一歲耳。逋未出更錢

者也。師古曰。更卒謂給郡縣一月而更。正卒謂給中

都官者。元平元年二月詔減外縣。霍光知時務之

要。輕繇薄賦。與民休息。宣帝五鳳四年正月以邊

塞亡寇。減戍卒什二。元帝永光三年冬。用度不足

民多復除。無以給中外繇役。百官表。爵四不更。不

豫更卒也十二左更十三中更十四右更。言主領更卒

溝洫志。河平元年。卒治河者為著外繇。六月。卒治

以

河有勞緡也後日漸籍也得此後二歲治河卒非受平

賈者為著外注得錢二千王子侯表祚

陽侯劉仁坐擅與賊賈功臣表東亮侯劉到

坐事國人過負免文十六年信武侯靳亭祝阿侯高

成文後三年坐事國人過律免列傳賈誼上疏准

南地遠者或數千里吏民絲役往來長安者自悉而補

中道衣敝錢用諸費稱此晁錯言今遠方之卒守

塞一歲而更賈山言周用民力不過歲三百什一

而藉陛下城外徭衛卒霍去病率師征匈奴渾邪

王降威隴西北地上郡戍卒之半以寬天下繇役賦

文十二年除戍卒令吳王濞其居國以銅鹽故百姓無賦卒

踐更輒予平賈注師古曰謂庸直也服虔曰當為更

卒出錢三百謂過更自行為卒謂踐更晉灼曰謂借

人自代為卒者官為出錢顧其時庸師古曰晉說是

卜式賜外繇四百人蘇林曰外繇謂戍邊也一人

十二萬段會宗為西域都護西域敬其威信三歲

更盡還如淳曰邊吏三歲一魏相河南卒戍中都

官者二三千人師古曰若今衛士蓋寬饒衛卒數

千人願復留共更一年身為司隸子常步行自戍北

邊不取代翟方進綏和二年賜冊曰君聽群下言用

度不足奏請一切增賦稅城郭墀及田園過更筭馬
牛羊 谷永止諸繕治宮室闕更減賦盡休力役注更卒也

文翁為蜀郡守修起學官招下縣子弟為學官子

弟為除更繇循吏 郭解陰請尉史曰是人吾所重

至踐更而脫之每至直更數過吏弗求游俠 王莽傳

漢氏減輕田租三十而稅一常有更賦罷癘咸出

貨殖傳農工商賈率歲萬息二千百萬之家即二十

萬而更繇租賦出其中 史大事記高后五年初令

戍卒歲更詩曰昔我往矣楊柳依依今我來思雨雪霏霏

春秋時之戍期一年而更也 補兵志更卒非正卒

也人直一月猶踐履而去若顧人為之當隨其月緩

急貴賤為之直謂之平賈漢錢重不得定為二千也

若不直而入錢於官是為更賦其番上尉主之其不

役而收其直謂之更賦更卒給郡國歲一月不役者

官收其庸其輕重未詳唐法歲役二旬不役者收其

庸日三尺過更言三日之戍過之即更猶更率一月

名踐更也非謂出錢入官乃名過更 索隱案姚氏

云古者更卒不過一月踐更五月而休又顏云五當

為三一歲之中三月居更三日戍邊揔九十三日此

所謂一歲力役三十倍於古 鹽鐵論賢良曰古者

萬曆丁亥年 監生趙繼文刊

天子封畿千里。繇役五百里。無踰時之役。後紀光

武建武五年十二月詔復濟陽三年徭役。二十一年

十二月壬寅復六歲三十年又復六年正月章陵世

世復徭役比豐沛十三年文書調役務從簡寡明

帝中元二年九月羌寇隴西發天水三千人復是歲

更賦顧更之錢永平五年冬十月復元氏田租更賦

六歲和帝永元六年三月庚寅詔流民還歸者復

一歲田租更賦安帝永初四年正月辛卯詔三輔

除三年逋租過更順帝永建五年四月辛巳詔郡

國貧人勿收今年過更永和四年八月癸丑以太原

貢賦

旱民流遣光祿大夫案行稟貸除更賦虞詡傳永

平章和中州縣以走卒錢給貸貧人走卒伍伯之類

令出資錢不役其身仲長統傳昌言曰可為法制

畫一定科租稅十一更賦如舊板楯蠻夷傳程包

對曰長吏鄉亭更賦至重

漢海租 蠻夷租賦

食貨志五鳳中耿壽昌白增海租三倍蕭望之奏御

史屬徐宮家在東萊言往年加海租魚不出武帝時

縣官嘗自漁魚不出復予民魚乃出平紀元始元

年置少府海丞師古曰主海稅馮唐傳魏尚守雲

萬曆十六年

二海賦

三

監生莊朝宰

中軍市租以給士卒

高五王傳主父偃曰齊臨菑

十萬戶市租千金

後漢傳秦置黔中郡漢改武陵

歲令大人輸布一匹小口二丈是為賓布順帝永和

元年武陵太守上書以蠻夷率服可比漢人增租賦

尚書令虞詡奏增之必然怨叛帝不從其冬蠻爭貢布

非舊約遂叛秦惠王并巴中君長歲出賦二千一十

六錢三歲一出義賦千八百錢民戶出帛布八丈二

尺鷄羽三十鍬漢興南郡守靳疆請依秦故事秦昭

王復板楯夷人頃田不租十妻不筭殺人以俛錢贖

高祖發夷人定三秦復渠帥七姓不輸租賦餘戶歲

入賓錢口四十永平中鄭純與哀牢夷人約邑豪歲

輸布貫頭衣二領鹽一斛為常賦禹貢蠻夷言貢

而不言賦蓋荒服之地則異三壤什一之法所不及

晉戶調式

通典晉武帝平吳之後制戶調之式丁男之戶歲輸

絹三匹綿三斤女及次丁男為戶者半輸其邊郡或

三分之二遠者三分之一夷人輸賓布戶一匹遠者

一丈不課田者輸義米戶三斛遠者五斗極遠者輸

筭錢二十八文成帝咸和五年始度百姓田取十分

之一率畝稅米三升哀帝咸田租畝收二升孝武太

元二年除度田收租之制。公王以下口稅三斛。八年又增稅米口五石。志同

隋減賦役

食貨志 隋初依周制役丁為十二番。開皇三年減十二番。每歲為三十日役。減調絹一匹為二丈。初蘇威父綽在西魏世以國用不足為稅法頗重歎曰今所為如張弓後之君子誰能弛乎。威為納言奏減賦役從之。

唐賦役法

紀 武德二年二月十四日乙酉初定租庸調法。會

要武德六年三月令每歲一造帳三年一造籍七年

三月二十九日始定均田賦稅寶曆二年正月戶部

侍郎崔元畧奏準賦役令。云云六典唐賦役之制

有四一曰租二曰調三曰役四曰雜徭。法開元二十

三年以天下無事敕減諸司色役一十二萬二百九

十四嶺南諸州則稅米上戶一石二斗次戶八斗下

戶六斗若夷獠之戶皆從半輸蕃胡內附者上戶丁

稅錢十文次戶五文下戶免附經二年者上戶丁輸

羊二口次戶一口下戶三戶共一口。食貨志唐授

人以口分世業取之以租庸調之法凡授田丁歲輸

粟二斛稻三斛謂之租陸宣公奏議云丁男一人丁

隨鄉所出歲輸絹二匹綾施二丈布加五之一綿三

兩麻三斤非蠶鄉則輸銀十四兩謂之調陸云每丁

土所出歲輸綾若絕共二丈綿二兩其無蠶則輸布二丈五尺麻三斤用人力歲二十

日閏加二日不役者日為絹三尺謂之庸有事而加

役二十日免調六典云旬有五口免調會要租二

日者免調三十日者租調皆免通正役不過五十日凡里

有手實歲終具民之年與地闊狹為鄉帳鄉成於縣

縣成於州州成於戶部又有計帳具來歲課役以報

度支國有所須先奏而斂水旱霜蝗耗十四者免租

桑麻盡者免調田耗十六者免租調耗十七者諸役皆

免凡新附之戶春以三月免役夏以六月免課秋以

九月課役皆免配租以斂穫早晚險易遠近為差庸

調輸以八月發以九月同時輸者先遠民皆自槩量

州府歲市土所為貢其價視絹之上下無過五十四

異物非有詔不獻有加配以代租賦元宗初立蠲徭

役者給蠲符以流外及九品京官為蠲使歲再遣之

開元八年正月二十日頒租庸調法于天下好不過

精惡不至濫闊者一尺八寸長者四丈開元十六年

會要十一月詔每三歲以九等定籍而庸調折租所取

嘉靖丁巳年

華好。先是揚州租調以錢。嶺南以米。安南以絲。益州以羅。綉綾絹供春綵。因詔江南亦以布代租。中書令李林甫為長行旨。以授朝集使。二十四年。戶部修長行旨條五卷。以租庸丁防和糴春綵稅草無定法也。凡庸調租皆任土所宜。州縣長官涖定。麤良二十五。年以江淮輸運有河洛之艱。而關中蠶桑少。菽粟賤。命庸調皆以米。凶年樂輸布絹亦從之。河南北不通。運州租皆為絹。代關中庸調。天寶五載。詔貧者每鄉免三十丁。租庸天下歲入租錢二百餘萬。緡粟千九百八十餘萬斛。調絹七百四十萬匹。緡百八十餘萬。

貢賦

屯布千三十五萬餘端。肅宗初。第五琦請於江淮置

租庸使。韋倫為荆襄道租庸使。收租庸二百萬緡。吳鹽蜀麻銅冶皆有稅。

廣德元年。詔戶三丁免一丁。凡畝稅二升。大曆元年。天下

苗一畝稅錢十五。號青苗錢。又地頭錢。每畝二十。上

都秋稅分二等。五年始定法。夏上田畝稅六升。秋上

田畝稅五升。青苗錢畝加倍。陸贄疏云。國家賦役之

法。曰租。曰調。曰庸。其取法遠。其歛財均。其域人固。有

田。則有租。有家。則有調。有身。則有庸。天下為家。法制

均一。雖轉徙莫容其姦。故人無搖心。天寶之季。海內

波蕩。版圖壞於避地。賦法壞於奉軍。賦役舊法。行之

嘉靖丁巳年

百年人以為便兵興供億不常誅求隳制此時弊非法弊也非力所出則不征非土所有則不貢

唐十道貢賦

六典戶部即中凡天下十道任土所出而為貢賦之

差志云掌戶口土田賦役貢獻舊額貢獻多非土物開元二十五年較令中書門下對朝集使隨便

條革以為定準關輔寡蠶詔納米粟其河南河北非通漕州皆調絹大府鄉絹分為八等布分為九

等正元元年十二月戶部奏地理志太宗因山

川形便分天下為十道一曰關內道厥賦絹綿布麻

厥貢毛羽革角布席弓刀二曰河南道厥賦絹綿布

布厥貢絲布葛席埏填盜缶三曰河東道厥賦布襪

貢賦

厥貢布席豹尾熊皮鷗羽六典有墨蠟四曰河北道

厥賦絲絹厥貢羅綾紬紗鳳翽葦席五曰山南道厥

賦金絲紵漆六典有鐵六曰隴右道厥賦布麻厥貢

金屑礪石鳥獸革角七曰淮南道厥賦絹絕綿布厥

貢絲布紵葛六典揚州貢青銅鏡八曰江南道厥賦麻紵厥貢

金銀紗綾蕉葛綿練較革藤紙丹沙九曰劔南道厥

賦絹綿葛紵厥貢金布絲葛羅綾綿紬羚羊角犀尾十

曰嶺南道厥賦蕉紵落麻厥貢金銀孔翠犀象絲藤

竹布百官志度支掌天下租賦物產豐約之宜水

陸道涂之利歲計所出而支調之以近及遠天府卿凡

萬曆丁亥年 監生趙繼文刊

四方貢賦百官俸秩謹其出納賦物任土所出定精麤之差丞四人元日冬至以方物陳于庭者受而進之元和十二年十二月淮西申光蔡等州貢物左藏戶部奏以元日陳於樂舞之南用示中外令掌天下賦調卿及御史監閱張廷珪傳景龍中詔河南北兩道蠶產所宜雖水旱得以蠶祈免廷珪謂股肱走集安可殫其力願依正觀永徽故事準令折免詔可崔衍傳遷宣歙池觀察使宣歙舊貢金錫凡十八品皆倍直市于它州衍蠲革之通典按令文諸郡貢賦皆盡當土所出準給為價多不過五十匹並以官物充市所貢至簿其物易供

貢賦

唐停歲貢 省貢獻

紀永徽六年十一月戊子停諸州貢珠儀鳳三年十月丙申停劔南隴右歲貢開耀元年正月己亥省諸方貢獻開元二年七月乙未焚錦繡珠玉于前殿戊戌禁乘珠玉廢織錦坊大曆十四年閏五月丙子德宗罷諸州府及新羅渤海貢鷹鷄戊寅罷山南貢枇杷江南柑橘非供宗廟者辛巳罷邕府歲貢奴婢癸未罷劔南貢生春酒丙戌罷獻祥瑞貢器以金銀飾者還之六月己亥減乘輿服御己未罷揚州路貢鏡幽州貢麝十月戊午罷九成宮貢立獸炭襄州薦弱

工元和四年閏月巳酉禁刺史境內推率諸道旨條
外進獻大中九年七月庚申罷淮南宣歙浙西冬至
元日常貢以代下戶租稅 順宗罷鹽鐵使月進

唐兩稅法

德宗紀建中元年二月丙申初定兩稅舊紀遣黜陟使分行天下

食貨志租庸調之法以人丁為本自開元後天下戶

籍久不更造丁口轉死田畝貿易貧富升降不實其

後國家侈費無節而大盜起兵興財用益屈而租庸

調法弊并壞一本云所在賦歛迫趣取辦無復常準賦

歛之司各隨意征科自且色目民富者丁少率為官為僧以免課役而貧者丁多無所伏匿故

上戶優而下戶勞民率徙為浮戶土著者百無五

貢賦

自代宗時始以畝定稅而歛以夏秋至德宗相楊炎

遂作兩稅法夏輸無過六月秋輸無過十一月置兩

稅使以總之建中三年八月初分置汴東西水陸運

分為量出制入戶無主客以居者為簿人無丁中以

貧富為差商賈稅三十之一與居者均役田稅視大

曆十四年墾田之數為定遣黜陟之使按比諸道丁

產等級免鰥寡孤獨不濟者敢有加歛以枉法論議

者以租庸調高祖太宗之法也不可輕改而德宗方

信用炎不疑舊戶二百八十萬五千使者按比得主

戶三百萬客戶三十萬自是人土斷而地著賦不

加歛而增入版籍不造而得其虛實吏不戒而奸無所取歲歛錢二千五十餘萬緡米四百萬斛以供外錢九百五十餘萬緡米一千六百餘萬斛以供京師稅法既行民力未及寬而朱滔王武俊田悅合從而叛用益不給

通典建中初分命黜陟使往諸道收戶口及錢穀名數每歲天下共歛三十餘萬貫貫供外費九百五十餘萬供京師稅米麥千六百餘萬石二百餘萬石供京師千四百餘萬供外費

會要大曆四年正月十八日敕王公已下宜准度支長行首條稅錢上上戶四千下下戶五百其見在官一品准上上戶稅九品准下下戶稅大曆元年詔

貢賦

天下苗一畝稅鈔十五以國用急不及秋方苗青即征之號青苗錢又有地頭錢每畝二十通不為青苗錢又詔上都秋稅分二等上上田畝稅六升下等六升秋上田畝稅五升下田三升荒田畝稅如故青苗錢畝加稅青苗而地頭錢不在焉細廣德二年七月庚子初

建中元年正月五日辛未遣黜陟使與觀察使及刺史轉運所由計百姓及客等約丁產定等第均率作年支兩稅如當處土風不便更立一限其比來徵科色目一切停罷二月十一日丙申仍與觀察使刺史計人產等級為兩稅法此外歛者以枉法論八月宰相楊炎上疏奏曰至德之後軍國之用仰給於度支轉運二使四方征鎮又自給於節度團練使朝

廷不能覆諸使諸司不能覆諸州四方貢獻悉入內
庫今請作兩稅法以一其名三年五月初加稅時准
南節度陳少游請於當道兩稅錢每一千加稅二百
度支因請諸道悉加之正元八年四月劔南西川觀
察使韋臯奏請加稅什二以增給官吏從之志正
元四年詔天下兩稅審等第高下三年一定戶度支
稅物頒諸司皆增本價爲虛估謂之折納復有進奉
宣索召顧和市比大曆之數再倍陸贄請釐革其甚
害者大畧有六國家賦役之法此時弊非法弊也兩
稅新制取大曆中一年科率多者爲兩稅定法此采

貢賦

非法之權令以爲經制總無名之暴賦而立常規也
兩稅以資產爲宗不以丁身爲本資產少者稅輕多
者稅重計估筭緡失平長偽挾輕貳轉徒者脫徭稅
爲本業者困斂求此誘之爲姦賦之避役一曰請每
道以知兩稅判官一人與度支參計戶數量土地肥
瘠物產多少爲二等二曰復庸調舊制隨土所宜三
曰租以去歲輸數爲常罷據額所率者增闢勿益租
廢耕不降數四曰蠶事方興而輸練農功未艾而斂
穀宜定稅期隨風俗時候五曰時稔則廣糴小歉則
借貸六曰爲占田條限事無施行者憲宗罷除官受

代進奉及諸道兩稅外推分天下之賦以爲三。一曰上供。二曰送使。三曰留州。元和四年十二月宰相裴垪又令諸道節度觀察調費取於所治州不足則取於屬州而屬州送使之餘與其上供者皆輸度支。穆宗即位罷諸道貢獻自建中定兩稅而物輕錢重民以爲患至是四十年爲絹二疋半者爲八匹率加三倍。元和十五年閏正月十七日詔百官議革弊戶部尚書楊於陵曰宜使天下兩稅權消鹽利上供及留州送使錢悉輸以布帛穀粟宰相言其議元和十五年八月詔是兩稅上供留州皆易以布帛絲纈租庸

課不計錢而納布帛唯鹽酒計錢。長慶元年正月詔河北諸道均定兩稅九月詔兩稅皆輸布絲纈

會

要元和四年六月詔兩稅法不定物估爰命帖職周視四方以揚子鹽鐵留後爲江淮已南兩稅使江陵留後爲荆衡漢沔東界彭蠡南及日南兩稅使度支山南西道分巡院官充三川兩稅使收復淄青十二州命諫議大夫王彥威爲兩稅使七年七月荆南浙江東道兩稅使崔倭程异以入計叙勞。顧少連傳改京兆尹先是京畿租賦薄厚不能一少連以法均之。李翱傳條興復太平大畧曰改稅法不督錢而

萬曆十六年
監生張拱宸刊

納布帛翽為平賦書一篇 **獨孤及傳為舒州刺史**
作口賦法處士楊貴以書譏之

後周顯德三年十月立二稅限夏以六月秋以十月

唐平賦書

文粹李翱平賦書序云人皆知重歛之可以得財不知輕歛之得財愈多取可行於當時者為平賦書而什一之法存焉凡為天下者眡千里之都為千里之都者眡百里之州為百里之州者起於百里之田

開寶均定稅額

三年四月己卯詔兩稅折科非上所宜毋得抑配九

頁賦一

年正月遣太常丞魏咸熙均定開封屬縣三等戶稅額至道元年六月己卯令諸州重造兩稅版簿頒其式于天下祥符四年七月壬申朔免南方民丁身錢至和元年九月詔滄州均田稅民或未便其令復輸如舊嘉祐五年四月丙戌詔均天下田稅命三司使包拯等詳定 高本以為不可均復罷 六月丙寅張揆

同詳定六年五月丁酉呂景初同詳定 **會要凡租**

稅穀帛金鐵物產為四類穀之品七帛之品十金鐵

之品四物產之品六 **通畧**自郭諮均稅之法罷論

者謂朝廷徒卹一時之勞而失經遠之慮至皇祐中

萬曆十五年

益生左朝奉

天下墾田視景德增四十萬頃而歲入穀廼減七十萬石初慶曆中三司言先於淮南亳壽京西蔡汝州如方田法均之於是京西遣郭諮既而中止至是復遣孫琳等五人分往均田三司置局拯與右諫議呂居簡戶部副使吳中復詳定其後雖用古法稍均數郡田於天下不能盡行張方平曰景德以前天下財利所入茶鹽酒稅歲課一千五百餘萬緡未聞加賦於民而調度克集慶曆以後財利之入二倍前朝諸鑪歲課上下百萬緡歲入茶鹽酒稅雜利僅五千萬緡而惟日不足

景德定土貢

四年閏五月戊辰詔曰任土貢輸雖存舊典經途遐邈亦念重勞三司所定劔隴等三十九州軍所貢土物並從蠲減夔賀等二十七州軍悉罷所貢每歲正旦止具表以聞明道二年六月戊午減天下歲貢物治平四年四月二十四日神宗詔罷諸道貢之物

天聖減畿內民租

九年正月辛未減畿內民租志仁宗嗣位首寬畿縣田賦慶曆中患賦役之煩詔下諸路上其數俾大

臣議蠲減。

宋朝五賦

國史志歲賦其類有五曰公田之賦

官莊屯營田賦

民耕而收其租

曰民田之賦

百姓各得專之

曰城郭

之賦

宅稅地稅之類

曰雜變之賦

牛革蠶蠶益食鹽之類隨其所出變而輸之

曰丁口之賦

計丁率米

凡賦

入州縣有籍歲一置謂之空行簿以待歲中催科閏

年別置謂之實行簿藏有司天聖初或言實行簿無

用罷之景祐元年韓瀆疏言賦輿之繁但存催科一

簿一有散亡耗登無從考請復置實行簿詔再閏一

造慶曆中王素言田賦輕重不等請均定歐陽脩言孫

琳嘗往肥鄉與郭諮以千步方田法括定名田願召

二人者三司請於亳壽蔡汝四州擇尤不均者均之

遣諮蔡州諮首括一縣得田二萬六千九百二十餘

頃均賦於民州縣未可盡括朝廷重勞人遂罷嘉祐

五年復詔均定遣官分行諸路纔均數郡田而已田

賦之外佐縣官之用者有山澤之貨關市之征酒麴

之入仁宗在位有司言利者多擯不取聞民有疾苦

雖厚利舍之無所愛貢獻珍異故事有者或罷之山

林川澤陂地之利久與民共者屢敕有司毋輒禁止

易之小蓄德之小也。則曰富以其鄰。泰與謙道之大也。皆曰不富以其鄰。剝始於下。其象曰。上以厚下安宅。所以救剝也。

玉海卷一百七十九

